



# "LUTKA 2" AKCIJA SIPA U SARAJEVU KOM NASELJU HADŽIĆI Uhapšen Radončić!

**Pretresi** Predsjednik SBB-a BiH osumnjičen je za krivično djelo ometanje rada pravosuđa. Pretresene su tri lokacije u Sarajevu, među kojima i redakcija "Dnevnog avaza", čiji je Radončić osnivač

**Brankica Spasenić  
Boris Knežević  
Sarajevo**

**Lider SBB-a BiH, Fahrudin Radončić, uhapšen je juče u sarajevskom naselju Hadžići zbog sumnje da je počinio krivično djelo ometanje rada pravosuđa!**

Kako je saopšteno iz Agencije za istrage i zaštitu BiH (SIPA), Radončić je uhapšen u okviru akcije "Lutka 2", u okviru koje su ranije uhapšeni visoki funkcioneri SBB-a, kandidat za ministra saobraćaja i komunikacija BiH Bakir Dautbašić i njegova nevjenčana supruga Bilsena Šahman. SIPA je juče pretresala tri lokacije na području Sarajeva, među kojima i redakciju "Dnevnog avaza" u Tešanjskoj ulici, gdje su njihovi pripadnici, maskirani i naoružani dugim cijevima, upali oko 15 časova, zatim prostorije stranke na istoj lokaciji, te Radončićev stan u centru "Importane".

- Cilj pretresa je pronalazak i privremeno oduzima-

nje predmeta koji mogu poslužiti kao dokaz u postupku. Navedene aktivnosti se realizuju po naredbama Suda i Tužilaštva BiH - istakla je juče portparolka SIPA, Kristina Jozić.

## **Donlagić šokiran**

Potpredsjednik SBB-a Mirsad Donlagić rekao je juče za naš list da je ostao "potpuno šokiran" vijesću o hapšenju predsjednika svoje stranke, najavivši "oštru reakciju" SBB-a.

- Vijest o hapšenju lidera naše stranke zatekla me je u zgradi Parlamenta BiH. Vjerujem da sam ostao bez teksta! SBB sigurno neće mirno posmatrati progon naših najistaknutijih članova - rekao je Donlagić.

Podsjećamo, Press je odmah nakon hapšenja Dautbašića i Šahmanove, 12. januara, objavio informaciju koju smo dobili od svojih dobro obaviještenih izvora da je sljedeći na redu za hapšenje upravo lider SBB-a. Protiv njega je Tužilaštvo

BiH iznijelo niz kompromitirajućih dokaza na ročištu za određivanje pritvora Dautbašiću i Šahmanovoj. Iz tvrdnji koje su tada iznesene jasno se nazire i razlog zbog čega je Radončić juče uhapšen pod sumnjom da je ometao rad pravosuđa i vršio pritisak na svjedoke.

Nadležni tužilac Božo Mihajlović tada je, između ostalog, izjavio da je Tužilaštvo BiH 22. decembra prošle godine počelo s prisluškivanjem mobilnih telefona koje su koristili Dautbašić i Šahmanova. Iz njihovih presretnutih razgovora, kao i razgovora koje su vodili s liderom SBB-a, tvrdi tužilac, jasno se vidjela namjera da, po Radončićevom nalogu, utiču na svjedoka tužilaštva Azru Sarić u krivičnom postupku koji vodi Tužilaštvo BiH i Osnovni sud u Prištini protiv Namera Keljmeđija. Sarićeva je bila djevojka ubijenog sarajevskog kriminalca Ramiza Delalića Čele.

## **Pokušaj opstrukcije**

- Dautbašić, Šahmanova,

.....  
**U okviru akcije "Lutka 2" ranije uhapšeni Bakir Dautbašić i Bilsena Šahman**

## **Avaz: Brutalni pritisak na slobodu medija**

Urednički kolegijum "Dnevnog avaza" ocijenio je pretres redakcije kao brutalni pritisak na slobodu medija i pokušaj zastrašivanja.

- Radi se o pokušaju notornog policijskog zastrašivanja naših urednika i novinara, što je pokušavano i u više navrata ranije - navodi se u saopštenju "Dnevnog avaza". Ocjenjuju i da je njihovo "beskompromisno antikorupciono novinarstvo" bilo problem onima koji žele da u BiH vlada nekoliko porodica i da nikome ne odgovaraju.

- Nismo se uplašili ni prilikom brojnih drugih sličnih prepadâ, prijetnji, pokušaja zaplašivanja, pa nećemo ni ovaj put - poručio je kolegijum "Dnevnog avaza".

